

## **North Sotho - Dikhlofedišo Mangwalo - Promises Scriptures**

**Genesi 20:6 Ke mo Modimo a mo fetotšego dilorong a re: Le nna ke tseba ge o di dirile, pelo ya gago e se na bomenetša; mme ke go šegetše gore o se senye pele gaka. Ke ka baka leo ke sa kago ka go lesa wa mo swara.**

**Eksodo 35:21,26 gomme mang le mang, wa go tsošwa ke pelo ya gagwe, le wa go gapeletšwa ke moyo wa gagwe, a boa a na le motšhelo wa Morena, wa tša go dira Ngwako wa Kgwerano, le tša go dira mo go wona, le tša go dira diaparo tše kgethwa. 26 Le basadi bohole ba go ithapa ka go kgona, ba ohla boyo bja dipudi.**

**Numeri 10:35 Ge polokelo e tsoga Moshe o be a bolela a re: Nanoga, Morena, manaba, a gago a rakwe, Bahlooi ba gago ba tšhabe!**

**Doiteronomio 2:25 Go tloga bjale ke beile tšhogo le poifo godimo ga ditšhaba tše di lego ka tlase ga legodimo ka moka ge di lebana nago; di tlo tlalelwa tša thothomela ge di ekwa tumo ya go re o a tla.**

**Doiteronomio 9:3 Bjale o tlo lemoga gore Morena Modimo wa gago e a yogo sela a go etile pele, ke mollo o fišago; yena o tlo ba thuba, a ba kokobetša pele ga gago, a ba raka, wa tlo ba fediša ka pela, bjalo ka ge Morena a go boditše.**

**Joshua 2:9 a bolela le bona a re: Nna ke tseba gobane Morena o le neile naga ye; ke tseba le gore re wetšwe ke go le tšhoga, le gore bohole ba ba agilego nageng ye ba nolegile moko ge le fihla.**

**1 Samuele 17:48,50 Bjale Mofilisita ge a šetše a tsogile a batamela, Dafida a kganyela a lebile kua go lego dira tša Bafilisita, a gahlana le Mofilisita eo. 50 Ke wona mokgwa wo Dafida a fentšego Mofilisita eo ka wona, ka seragamabje le ka legakabje; a mmolaya a sa swara tšoša.**

**Esitere 8:17 Le mo dinageng ka moka le metseng ka moka go fihlago molao woo wa kgoši, Bajuda ba tlelwa ke lethabo le tlhalalo, ya ba monyanya le go nyankelwa. Ba bantši ba ditšhaba tša naga yeo ba ba ba itira Bajuda, gobane ba be ba wetšwe ke tšhogo ya go tšhoga Bajuda.**

**Jobo 29:14 Ke be ke apere toko; toko e apere nna; moahlolelo wa ka wa ba seaparo le sealā.**

**Diema 13:11 Lehumoletlakalefela le a notlega; go ata la mokgobakadiatla.**

**Diema 13:22 Bohwa bja moloki ke bja bana ba bana; menono ya modiradibe e beetšwe moloki.**

**Diema 22:22,23 O se ke wa hlakola wa mmotlana ka ge e le mmotlana; mohlaki o se mo pate le le kgorong. 23 Gobane bonabao ntweng tša bona ba Iwelwa ke Morena; ba ba ba hlakolago, Morena o tlo ba hlakola bophelo.**

**Jesaya 35:8 Gomme go tlo ba le mmila o lekelelanego, tsela ye ba tlogo re ke tselakgethwa, e sa sepelwego, ke wa tšila; e tlo ba ya bona. E a e swerego, le ge e le lešilo, a ka se timele.**

**Jesaya 43:2 Ge o tsena gara meetse, ke tlo ba le wena; ge o sela dinoka, di ka se ke tša go tšea; ge o phatša mello, o ka se ke wa fsa, o ka se tlabolwe ke kgabo.**

**Jesaya 49:25 Go tlo ba bjalo. Morena o re: Seoka se tlo tšeelwa mathopša a sona, le segalabutšwa se tlo amogiwa dithebola; gobane ke tlo Iwa le ba ba Iwago nago; mme bana ba gago, ke nna ke tlogo ba phološa.**

**Jesaya 54:17 Ka gobane ke nna Mohlodi wa morudi wa go ubela mollo wa magala, a rula lerumo sebopša sa gagwe; ka buša ke eba Mohlodi wa tše di le senyago, lerumo, le se dire selo.**

**Jesaya 59:17,19 A itlhama ka diphemero tša toko, a rwala kefa ya phološo, a apara kobo ya tefetšo; seaparo sagwe ke kgalefo. 19 Ke mo ba kua bodikela ba tlogo šia ina la Morena, le ba bohlabela ba šia borena bja gagwe; le ge lenaba le ka fihla wa mafula a meetse, Moya wa Morena o tlo le tsemela sefoka.**

**Jesaya 61:10 A nke ke thabele Morena; moyo wa ka a o hlalele yena Modimo wa ka. O nkapešitše diaparo tša phološo, o nthweša kobo ya toko, bjalo ka motšei a itlhama boka mphamodimo, bjalo ka motšewa a apere dipheta tša gagwe.**

**Hesekiele 22:30 Mo go bona ke nyakile monna wa go ka aga morako, wa go ka thiba difata, yo nkago mmona a Iwela naga yeo, gore ke lese go ba fediša. Fela, ke mo hlokile.**

**Hesekiele 45:8 Naga ye e tlo ba karolo ya kgoši mo nageng ya Isiraele, gore dikgoši tše ke di beago di se ke tša hlwa di hlakiša setšhaba sa ka, di nee setšhaba sa Isiraele naga ka go ya ka meloko ya bona.**

**Daniele 4:16 Pelo ya yona ya motho, a e fetoge e be ya phoofolo, go be go fete mabaka a šupago.**

**Daniele 7:4 Sa pele se be se swana le tau, se na le diphego tša lenong. Ka lebeleša ka bona diphofa tša sona di tomolwa, sa emišwa fase; sa emišwa ka maoto a sona bjalo ka motho, sa newa pelo ya motho.**

**Sakaria 4:6 Yena a re: Sele lentšu la Morena le ela Serubabele, le re: E ka se be ka dira; e ka se be ka maatla; e tlo ba ka Moya wa ka! -- O realo Morena wa mašaba.**

**Mateo 24:22 Gomme ge mehla yeo e ka be e sa fokotšwe, go ka be go sa phologe motho. Fela, a tlo fokotšwa ka baka la bakgethwa.**

**Mateo 26:41 Phakgamang le rapele, gore le se tsene melekong; gobane moyo o mafolofolo, mme nama e a fokola.**

**Mareka 10:48-52 Ba bantši ba mo kgalema ba re a homole; ya ba gona a hlabo-šago lentšu ka kudu, a re: Morwa-Dafida, nkgaogele! 49 Jesu a ema a re ba mmitše. Ba mmitša, monna yoo wa sefolu, ba re: Beta pelo! Tsoga o eme! O a go bitša. 50 Yena a lahla kobo ya gagwe, a tsoga, a tla go Jesu. 51 Jesu a mmotšiša a re: O rata ge nka go dirang? Sefolu sa re: Moruti wa ka: Ke boe-le ke bone! 52 Jesu a re: Sepela! Tumelo ya gago e go phološitše. Monna**

**yoo a boela a bona a sa le moo; a wela tsela a latela Jesu. (Mateo 20:30-34)**

**Mareka 16:20 Ge e le bona, ba tšwa ba goelela gohle, Morena a fela a na le bona ka matla a gagwe, a tiiša lentšu ka mehlolo ye e bapetšego nalo.**

**Luka 14:23 Morena a re: Tšwela kua ditseleng le dikgoreng, o ba phegelele gore ba tsene, ngwako wa ka o tle o tlale.**

**Luka 21:15 Gobane ke nna ke tlogo le nea molomo le bohlale, bjo bahlo i ba lena ka moka ba tlogo šitwa go bo fenza le go bo phema.**

**Luka 21:36 Phakgamang gee le fele le rapela ka mabaka ohle, gore le hwetšwe le loketše go phonyokga tše o ka moka di tlogo direga, le go tlo ema pele ga Morwamotho.**

**Johane 17:15 Ga ke kgopele gore o ba tloše lefaseng; ke ba kgopelela go phemelwa bobe.**

**Ditiro tša BaApostola 11:23 Baranaba ge a fihla gona a bona kgaugelo ya Modimo, a thaba, a ba kgothatša bohle a re ba gomarele Morena ka pelo e phegeletšego.**

**Ditiro tša BaApostola 13:48 Bantle ba di kwa ba thaba; ba tumiša lentšu la Morena; gwa dumela bohle ba ba hlauletšwego bophelo bjo bo sa felego.**

**1 BaKorinthe 10:13 Ga lešo la hlohlwa ke moleko o kago pala batho. Modimo ke Mmotegi; a ka se ke a lesa la lekwa ka tše di kago le palela; gotee le moleko o tlo fela a bea sebaka sa go tlo efoga, gore le kgone go kgotlelela.**

**1 BaKorinthe 16:9 Gobane mojako wo o mpulegetšego ke o mogolo wo o tsenegago; le gona baganyetši ke ba bantši.**

**2 BaKorinthe 12:9 Modimo a fetola a re: Kgaugelo ya ka a e go lekane, gobane maatla a ka a iphetha phokolong. -- Ke gona ke rego go kaone ge nka kgahlwa ke go kgantšha diphokolo tša ka, gore maatla a Kriste a age mo go nna.**

**BaEfeso 6:11 Aparang ditlhamo tšohle tša Modimo, gore le kgone go fenza dipogo tša Diabolo.**

**BaHebere 1:7,14 Barongwa bona ge a ba bolela o re: Meoya o e dira barongwa ba gagwe; bahlanka ba gagwe ke kgabo tša mollo. 14 Ka moka ga bona a ga se meoya ya go hlankela ba bangwe, meoya ya go rongwa ya yo direla bao ba go tlo ja bohwa bja phološo?**

**Jakobo 4:7 Lobang ge le bušwe ke Modimo; Le lwe le diabolo, mme o tlo le tšhaba.**

**1 Petro 5:10 Mme Modimo wa dikgaugelo tšohle, e a le bileditšego letagong la gagwe la neng le neng la Kriste, lena ba go tlaišega ka lebakanyana, o tlo le dira ba botlalo; o tlo le thekga; o tlo le tiiša, le se hlwe le šišinyega.**